



## XALQ DEPUTATLARI QO'SHTEPA TUMAN KENGASHINING QARORI

2022 - yil 30 - dekabr

VI-56-111-11-157-K/22

Qo'shtepa tuman hokimligi

### **Qo'shtepa tumanining 2023-yilgi mahalliy byudjetini tasdiqlash to'g'risida**

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalariga, Byudjet kodeksining 99-moddasi, "2023-yil uchun O'zbekiston Respublikasining Davlat byudjeti to'g'risida"gi Qonuni loyihasi, Xalq deputatlari Farg'ona viloyati kengashining 2022-yil 30-dekabrda "Farg'ona viloyatining 2023-yilgi mahalliy byudjetini tasdiqlash to'g'risida"gi qaroriga muvofiq hamda Farg'ona viloyati hokimligi moliya bosh boshqarmasining 2022-yil 30-dekabrda 01/01-38/2760-sonli xatini inobatga olib Xalq deputatlari Qo'shtepa tumani Kengashi

### **QAROR QILADI:**

1. Xalq deputatlari Farg'ona viloyat kengashining 2022-yil 30-dekabrda "Farg'ona viloyatining 2023-yilgi mahalliy byudjetini tasdiqlash to'g'risida"gi qarori rahbarlik va ijro uchun qabul qilinsin.

2. "2023-yil uchun O'zbekiston Respublikasining Davlat byudjeti to'g'risida"gi Qonuni loyihasiga asosan ishlab chiqilgan Xalq deputatlari Farg'ona viloyati kengashining 2022-yil 30-dekabrda "Farg'ona viloyatining 2023-yilgi mahalliy byudjetini tasdiqlash to'g'risida"gi qaroriga muvofiq 2023-yilga Qo'shtepa tumani mahalliy byudjetiga viloyat mahalliy byudjetidan ajratiladigan tartibga soluvchi byudjetlararo transfert 114 mlrd. so'm miqdorida tasdiqlanganligi hamda tuman mahalliy byudjeti daromadlari 105,8 mlrd. so'm va xarajatlari esa 219,7 mlrd. so'm miqdoridagi prognozlari ma'lumot uchun qabul qilinsin.

3. Qarorga asosan 2023-yilda:

a) Mobil aloqa xizmatlari uchun aksiz solig'i va alkogol maxsulotlari, shu jumladan pivo uchun aksiz solig'idan tushumlar 2022-yil 1-iyul holatiga ko'ra

tuman va shahar aholisining viloyat aholisidagi ulushiga muvofiq o'tkazib berilishi ma'lumot uchun qabul qilinsin.

b) Quyidagi soliq turlari tuman mahalliy byudjetiga to'liqligicha o'tkazib berilishi ma'lumot uchun qabul qilinsin:

- jismoniy shaxslardan olinadigan mol-mulk solig'i;
- jismoniy shaxslardan olinadigan yer solig'i;
- aylanmadan soliq;
- yakka tartibdagi tadbirkorlar tomonidan to'lanadigan daromad solig'i;
- davlat mulki bo'yicha ijara to'lovlari;

v) Shahar va tumanlar mahalliy byudjetlariga quyidagi ulushlarda:

Qurilish materiallari bo'yicha yer qa'ridan foydalanganlik uchun soliq turidan tushumlarning 50 foizi;

Yakuniy iste'molchilarga benzin, dizel yoqilg'isi va gaz realizatsiyasi qilishdagi aksiz solig'idan tushumlarning 20 foizi;

yer uchastkalariga bo'lgan huquqlarni sotishdan tushgan pul mablag'larining 50 foizi;

yuridik shaxslarning yer solig'i va mol-mulkiga solinadigan soliq hamda suv resurslaridan foydalanganlik uchun soliq turidan tushgan tushumlarning 50 foizi;

davlat byudjetiga undiriladigan jarimalarning 30 foizi;

Jismoniy shaxslardan undiriladigan daromad solig'idan tushumlarning (yakka tartibdagi tadbirkorlar tomonidan to'lanadigan daromad solig'idan tashqari) 50 foizi o'tkazib berilishi ma'lumot uchun qabul qilinsin;

4. Tuman mahalliy byudjeti daromadlarining 2023-yil uchun prognoz ko'rsatkichlari [1-ilovaga](#) muvofiq ma'lumot uchun qabul qilinsin.

5. Tumanmahalliy byudjetidan 2023-yilgi hududiy byudjet mablag'larini taqsimlovchilarga ajratiladigan xarajatlarning umumiy cheklangan miqdorlari [2-ilovaga](#) muvofiq tasdiqlansin.

6. Qonunning 8-moddasiga muvofiq zaxira jamg'armalari mahalliy byudjetlarning tasdiqlangan xarajatlarining kamida 1 foizi miqdorida

shakllantirilishi belgilanganligidan kelib chiqib, 2023-yil uchun tuman mahalliy byudjeti zaxira jamg'armasi hajmlari 2,1 mlrd. so'm miqdorida tasdiqlansin.

Tuman hokimligi zaxira jamg'armasi mablag'larini tuman byudjetida ko'zda tutilmagan, kechiktirib bo'lmaydigan xarajatlarni, shuningdek, ijtimoiy-iqtisodiy beqarorlik yuzaga kelgan vaziyatlarda amalga oshirilishi zarur bo'lgan tadbirlarni moliyalashtirish uchun yo'naltirilishini ta'minlasin.

7. Qarorga ko'ra 2023-yil uchun tuman byudjetida yo'l qo'yiladigan eng kam mablag'lar o'tgan yilga nisbatan o'zgarishsiz ya'ni 769,0 mln. so'm miqdorda belgilanganligi ma'lumot uchun qabul qilinsin.

8. Tuman mahalliy byudjeti daromadlarning prognoz ko'rsatkichlari hokimlikning faoliyatiga bog'liq bo'lmagan holda 5 foizdan ortiq miqdorga bajarilmasa va moliya yili oxirigacha ushbu mablag'larning tushish ehtimoli bo'lmasa, viloyat hokimligiga xarajatlarni maqbullashtirish yuzasidan ko'rilayotgan choralar bilan birgalikda tartibga soluvchi byudjetlararo transfertlar miqdorini oshirish yuzasidan viloyat hokimligiga murojaat qilishi qonun bilan belgilanganligi inobatga olinsin.

9. Tuman hokimligi tashabbusi bilan qo'shimcha amalga oshiriladigan tadbirlar uchun talab etiladigan mablag'lar mahalliy byudjetning ijrosi davomida shakllangan qo'shimcha manbalar hisobidan amalga oshirilishi qat'iy belgilab qo'yilsin.

10. Tuman hokimligi hududiy byudjet mablag'lari taqsimlovchilar bilan birgalikda:

tegishli byudjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarini yetarli darajada rejalashtirilishini nazarda tutgan holda shakllantirilishini ta'minlash;

mahalliy byudjetning qo'shimcha manbalari hisobidan xarid qilinadigan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan obyektlar ro'yxati, shuningdek qurilish-ta'mirlash ishlarini moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10-sanasiga qadar hokimliklar tomonidan majburiy tartibda o'z rasmiy veb-saytlariga joylashtirish;

mahalliy byudjetning qo'shimcha daromadlarini 30 foizdan kam bo'lmagan miqdorlarda jamoatchilik fikri asosida belgilangan tadbirlarni moliyalashtirishga

yoʻnaltirishni, veb-saytlariga ularning natijalarini joylashtirsin.

11. Tuman hokimligi byudjet daromadlari va xarajatlarining koʻrsatkichlarini bajarilishini taʼminlash, soliq bazasini kengaytirish hamda iqtisodiy salohiyatini oshirish yuzasidan zarur chora-tadbirlar koʻrish, byudjet mablagʻlari taqsimlovchilarning byudjet mablagʻlaridan samarali va maqsadli foydalanilishi hamda erishilgan natijalar Kengashga kiritib borilishini taʼminlasin.

12. Mazkur qaror bajarilishini nazorat qilish xalq deputatlari tuman Kengashining Mahalliy byudjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari doimiy komissiyasi hamda tuman hokimining birinchi oʻrinbosari va tuman hokimligi Moliya boʻlimi zimmasiga yuklatilsin.

**Kengash raisi**



**I.V.Novikov**

Xalq deputatlari Qo'shtepa tuman  
Kengashining  
2022 yil 30 dekabrda  
VI-56-111-11-157-K/22-son qaroriga  
1-ilova

**Qo'shtepa tumani mahalliy byudjeti daromadlarining 2023-yildagi asosiy prognoz ko'rsatkichlari**

ming so'mda

T/R	Daromad turlari	Jami
	<b>Jami daromadlar</b>	<b>105 756 748</b>
<b>I.</b>	<b>Rag'batlantiruvchi (Стимулирующие) daromad</b>	<b>34 126 000</b>
	Jismoniy shaxslardan olinadigan daromad solig'i	34 126 000
	Yuridik shaxslardan olinadigan foyda solig'i	0
<b>II.</b>	<b>Biriktirilgan daromadlar</b>	<b>39 043 400</b>
	<b>Tuman va shaharlarga biriktirilgan</b>	<b>25 988 000</b>
1	Yagona soliq to'lovi	6 959 000
2	Jismoniy shaxslardan olinadigan daromad solig'i (ITD)	822 000
3	Jismoniy shaxslardan olinadigan yer solig'i	11 884 000
5	Jismoniy shaxslarning mol-mulkiga solinadigan soliq	5 946 000
6	Ijara to'lovlari	377 000
	<b>Viloyat va tuman (shahar)lar byudjetlari o'rtasida taqsimlanadigan daromadlar</b>	<b>13 055 400</b>
1	Benzin, dizel yoqilg'isi va gaz realizatsiyasidan soliq (AZS)	3 645 400
2	Yuridik shaxslarning mol-mulkiga solinadigan soliq	1 326 500
3	Yuridik shaxslardan undiriladigan yer solig'i	5 002 500
4	Suv resurslaridan foydalanganlik uchun soliq	1 816 500
5	Jarimalar	1 264 500
<b>III.</b>	<b>Taqsimlanuvchi daromadlar (formula bo'yicha)</b>	<b>32 587 348</b>
	<i>Aholi soni (ming kishi)</i>	<i>201</i>

1	Alkogolga aksiz solig'i (shu jumladan pivo)	13 183 252
2	Mobil aloqaga aksiz solig'i	5 654 849
3	Tamaki mahsulotlari bo'yicha aksiz solig'i	13 749 247

Xalq deputatlari Qo'shtepa tuman  
Kengashining  
2022 yil 30 dekabrda  
VI-56-111-11-157-K/22-son qaroriga  
2-ilova

**Qo'shtepa tumani mahalliy byudjetidan 2023-yilgi hududiy byudjet mablag'larini taqsimlovchilarga ajratiladigan xarajatlarning umumiy cheklangan miqdorlari**

ming so'm

T/r	Tumanlar va shaharlar byudjetlaridan mablag' oluvchi hududiy byudjet mablag'lari taqsimlovchilar nomi	Summa (ming so'm)
1	Maktabgacha ta'lim bo'limi	20 623 388,0
2	Xalq ta'limi bo'limi	10 137 894,0
3	Tibbiyot birlashmasi	78 141 631,0
4	Madaniyat bo'limi	1 629 026,0
5	Cportni rivojlantirish bo'limi	2 641 887,0
6	Bandlik va mehnat munosabatlari bo'limi	790 809,0
7	Veterinariya va chorvachilikni rivojlantirish bo'limi	1 335 028,0
8	Irrigatsiya bo'limi	2 181 064,0
9	Qishloq xo'jaligi bo'limi	510 079,0
10	Tuman fermer, dehqon xo'jaliklari va tomorqa yer egalari kengashi (Markazlashgan hisobxona)	517 020,0
11	Obodonlashtirish boshqarmasi	12 309 762,0
12	Moliya bo'limi	1 273 481,0
13	Yoshlar ishlari agentligi hududi bo'limi	4 911 889,0
14	Kengash kotibiyatini saqlash xarajatlari	196 601,0
<b>15</b>	<b>Mahalla va nuroniylarni qo'llab-quvvatlash bo'limi</b>	<b>4 236 841,0</b>
	shundan	
	O'zini-o'zi boshqarish organlari (MFYlar)	3 785 387,0
<b>16</b>	<b>Hokimiyat</b>	<b>78 278 464,0</b>
	shundan	
	Hokimlikni saqlash xarajatlari	2 401 311,0
	Mahallabay ishlash va tadbirkorlikni rivojlantirish markazi	4 762 532,0
	Oila va xotin-qizlar bo'limi	3 111 123,0
	Ijtimoiy nafaqalar	53 481 000,0
	Ijtimoiy ko'nikma markazlari ("dastlabki ijtimoiy-moddiy yordam paketi" va markazni saqlash xarajatlari)	119 078,0
	"Tashabbusli byudjet" jamg'armasiga o'tkaziladigan mablag'lar	10 793 896,0
	Hokim yordamchilari tavsiyalari asosida mahalla infratuzilmasini yaxshilash uchun ajratilgan mablag'lar	1 541 000,0
	Zaxira jamg'armasi	2 068 524,0
	<b>Xarajatlar jami</b>	<b>219 714 864,0</b>

